

续宏简录

續文簡錄

續弘簡錄元史類編卷三十八

陝西唐事府少詹事仁和邵遠平共山

遊德二 忠節

余闕 道童 伯顏不花的斤 附海魯丁 祭誠 蔣廣 全普庵撒里

附哈海赤 朶里不花 李齊 趙璉 弟璉 納速刺丁 石普

盛昭 楊乘 孫搗 月魯不花 達識帖睦爾 附普多 帖木兒

韓因 張桓 喜同 附塔不台 郭嘉 趙沫 伯顏師聖

董搏霄 弟昂霄 王英 顏瑜 附曹彥可 鄭塗 彌壽 附達尼達思 賀方

右抹宜孫 附葛里古思 黃中 普顏不花 附申榮 喬彙 附張嵩起 王佐 吳德壽

楊樸 栢帖穆爾 迭里彌實 附獲獨步 呂復 閔本 拜住

趙弘毅 子黃暉 附張鷹 段頑 王遜志 張正蒙 徐猱頭

余闕字天心唐兀氏世居河西武威郡父沙刺城上官廬州

爲合肥人少孤授徒養母元統元年賜進士及第授同知泗水
事爲政嚴明宿吏皆憚之入爲應奉翰林文字轉刑部主事
不阿權貴棄官歸名修宋遼金三史復入翰林爲修撰改監定
御史出爲湖廣行省郎中當莫孺蠻反右丞沙班堅不出師
曰公受天子命爲方嶽重臣不思執弓矢討賊乃欲自逸邪沙
班曰郎中語固是如芻餉不足何闕曰公第往此不難致闕
沙班趣之三日皆集沙班遂行嗣可母憂歸廬州沔陽陳友諒盜
據有荆楚起闕爲淮西宣慰副使僉都元帥府事分守安慶
時南北音問隔絕兵食俱乏抵官十日寇至拒却之乃集將吏
議屯田戰守計環境築堡砦選精甲外扞而耕墾其中屬添灣
無人恐土饒沃悉闢爲屯田夏大雨江漲田亦半沒城下亦易
三萬斛

有營力居浚墮為厚障外環法天勢深數三崖南列江峽
植木為柵城上起飛樓表裏完固盜方環布四外闕提勁
千屹然為江淮保障且通道江右俾商旅四集文諒遣將
勝由池州攻城經旬竟敗去尋拜淮南右永安慶伯小孤
藩蔽命義兵元帥胡伯顏統水軍戍之友諒自上游直搗
小孤伯顏與戰四日夜不勝奔還安慶賊追至山口鎮遂
闕道兵扼之觀音橋賊乘東門張紅旗登城闕簡死士力
擊賊復敗去既而并軍攻東西二門又却之賊恚甚乃樹
柵環城攻金鼓聲震地闕部分諸將各以兵扞賊晝夜
不得息友諒軍西門四面蟻集外無一甲之援西門勢尤
急闕身當之徒步趨為士卒先仍分麾下將督三門之兵
自以孤軍血戰身殺守為日中城陷城中火起闕知不可
為引刀自到墮清水塘中

耶計氏子德生女福童皆赴井死

按闕妻史稱耶上氏元史要作耶律氏惟賈良伯死

記作夫人蔣氏後闕姪孫宗烈云當時有妾耶律耶上氏而人實蔣氏子德臣女安安皆其所生也維揚張毅所記如此

同時死者守臣韓建全家被害建方臥疾賊執之以去不知

城中官民相率登城樓自捐其梯曰寧死此誓不從賊焚死

以于計其知名者萬戶李宗可紀守仁陳彬金承宗元帥

節事帖木補化萬戶府經歷段桂芳千戶火失不花新李盧

葛延齡丘垂許元琰奏差兀都蠻百戶黃寅孫安慶推官

楊恒知事余中懷寧尹陳巨濟凡十八人時至正

八年正月丙午也闕號令嚴信與下而甘苦嘗病不視事將

士皆願天求以身代闕聞之強衣冠起當出戰矢石交下知

臺以盾蔽之闕必却之曰汝輩亦有命何蔽我為故人爭

戰即注周易率諸生詣郡學會講立軍士門外以聽

君親上之義留意經術五經皆有傳注詩禮尚江左篆隸亦

雅可傳

元詩選云嘗讀書青陽山學者稱青陽先生其遺文有青陽集六卷

闕既死賊義之亦屍

塘中具衣冠葬之西門外詔封幽國公諡忠宣

志云李宗可斬州人有勇略余

闕以兄次妻之闕死乃驅其家屬盡殺之縱飲至醉自刎陳巨濟桐城人素以忠義自許闕聞其名辟為僕寧尹賊陷不屈死

問曰節堪守正義激千秋矧伊一郡慷慨同仇霹雲萬春

從之如鶩講學非迂忠肝剖露

道童號石巖高昌人以世胄入官性沉毅寡言由江浙叅政歷

右丞轉本省平章素負清望至正十一年調行省江西徐壽輝

陷蕲黃土寇蠡起道童深憂之郎中普顏不花曰有章伯顏左

丞者致仕居撫州熟知軍務宜以禮請之使專任軍旅庶事有

可濟道童從其言伯顏亦欣然起曰此報國之秋也至則與普

顏不花設禦敵計甚悉明年正月湖廣陷普顏不花將兵往江

州至石頭渡遇賊戰敗道童聞之恐卽懷印走及普顏不花還
與伯顏定城守計後數日始自民家還省治議分門各守以備
敵三月賊衆來圍城城中置各廟官及各巷長晝夕堅守衆
倉然道童素卹民能任人故士卒樂爲之用城被圍兩月道童
密召死士數千人面塗以青額抹黃布衣黃衣爲前鋒又別募
精銳數千爲中軍而募助陣者殿後夜半開門伏柵下黎明鉦
鼓入震因奮擊賊賊驚以爲神敗走遂乘勝禱其營復分兵討
其餘黨伯顏以疾卒于軍是秋朝廷命火兒赤爲左丞將兵來
助興道童平富瑞二州分鎮其地適歲旱公私匱乏道童移咨
江浙借米數十萬石益數十萬引凡軍民約三日人糴官米一
斗又三日買官鹽十斤夕人昏鈔二貫民皆安之賊亦不敢犯

夏曆廿八年夏四月昧友諒復攻江西時火赤已歸

平章加營買公得專

童亦棄城退保撫州欲集諸義兵圖恢復

我為元朝大臣官至極品今城陷不守尚何面目見人乎適

追者至道童欲迎敵渡水未登岸眾乘之遂為所害賜諡忠

志云有黃冲者字季中南昌人授義兵千戶偽漢陷城火尼

伯顏不花的斤字蒼巖畏吾兒氏駙馬都尉雪雪的斤之孫

爾的斤子也高昌王世勳碑作帖木兒補比子銅儻好學曉音律初用父蔭同

知信州路事累平賊有功歷遷浙東道廉訪副使守衢州至正

十八年陳友諒遣賊王奉國寇信州路明年正月伯顏不花自

衢引兵援信破走之時鎮南王子大聖奴屯兵城中聞援師至

開門出迎拜馬首伯顏不花登城四顧誓以破賊自許乃大饗

士卒分命大都閻高義為左右翼奮擊入賊營斬首數千級後

數日友諒弟友德列營東城攻益急遣使來說降高義潛與賊
通往見奉國明日奉國令義以計來誘伯顏不花坐城上見義
單騎至謂曰汝欲作說客邪我頭可斷足不可移乃數其罪義
之由是日夜鏖戰糧竭矢盡而氣不少衰有大呼城下者曰有
詔參謀海魯丁臨城問之曰何來曰江西來海魯丁曰如此則
賊耳吾元朝臣子可受爾偽詔乎呼者曰我主聞信州久不下
知爾忠義故來詔爾徒守空城何爲海魯丁曰汝不聞張睢陽
事乎僞使者不答而去伯顏不花笑曰賊欲我降邪城存與存
城亡與亡吾計之熟矣時軍民唯食草苗茶紙瓦盡括靴底之
食之又盡掘鼠羅雀及殺老弱以食六月奉國親來攻城晝夜
不息者踰旬賊穴地百餘所魚貫梯城上士卒力疲不能戰
遂陷大聖奴海魯丁皆死之伯顏不花力戰不勝遂自刎其

將蔡誠盡殺妻子與聖奮力巷戰誠遇害廣破勢奉國勇使之降廣曰我寧為忠死不為降生賊怒磔廣于竿大罵絕先是伯顏不花之援信州也嘗南望泣曰我為天子司憲視彼城之危急忍坐視乎君知上報天子下拯生民餘皆無可恤所忘者太夫人耳即入拜其母鮮于氏曰兒今不得事母矣母曰爾為忠臣吾即死復何憾鮮于氏太常典簿樞女也伯顏不花因命子也先不花奉其孀聞道入闕中及死朝廷賜諡桓敏書史會要云鮮于太常甥草書造真鼻氏圖繪寶鑑云亦工畫龍有陳受者信州小民也伯顏不花知其有管力募為兵戰敗被獲痛罵不屈賊焚殺之全普庵撒里字子仁高昌人初為中書省檢校時太師汪家奴擅權臺諫無敢言者普庵撒里獨於眾中歷數其過諤諤無懼色及拜監察御史即首劾在家奴十罪坐是見黜然氣節不以

摧折稍沮歷授贛州路達魯花赤潁州盜起卽修築城壘發公帑募勇士得三千人練習皆可用屬邑有被陷者遣兵克復之
境內悉安至正十八年拜江西參政仍分省贛州時江西下流諸郡皆爲陳友諒所據乃與總管哈海赤戮力同守賊將幸文才率兵圍贛使人誘降普庵撒里斬其使日環甲登城拒戰凡四閱月兵少食盡義兵萬戶馬合沙欲舉城降普庵撒里不從遂自刎事聞贈諡做哀哈海赤守贛尤久城陷賊將脇之降哈海赤曰與汝戰者我也爾賊毋殺贛民當速殺我遂見殺
朶里不花字端甫蒙古人由宿衛累官遼陽平章陳友諒陷江西詔移江西行省遂泛海南下趨廣東駐師揭陽招降土寇全元祐克復循梅惠三州自是英肇欽連諸郡皆附且治兵由海嶺將赴江西而元祐有異志遮道留陰令其子率外賊突入

奪符信殺官吏變起倉猝衆莫能支朶里不花爲鎗所中子
蘭不花率麾下力與抗死之朶里不花被執擁至太平橋罵不
絕口遂爲賊所醢其妻卜顏氏妾高麗氏在側不去皆大罵曰
我平章遇爾父子厚爾何暴逆至此亦皆遇害其部將哈乞吳
普顏阿刺不花歹不花等俱戰死

李齊字公平廣平人家貧嘗作客江南工辭章元統元年賜進
士第一歷僉河南淮西廉訪司事移知高郵府至正十三年遷
州白駒場亭民張士誠爲亂破本州淮南行省舉兵討之不克
乃遣齊往招降被拘久之亡何其黨自相攻殺始縱齊歸士誠
祥請降行省授以民官未幾復鼓變殺叅政趙璉掠官庫走入
得勝湖陷興化時左丞僕哲篤方鎮高郵使齊守夔社湖齊旣
出高郵遂陷賊蔓延入寶應會有詔赦叛者使至高郵不得入

賊給曰必李知府來乃受詔再遣齊往至則囚之齊益聲言士
誠本無降意特遷延爲繕飭計耳官軍謀知之進攻城士誠呼
齊出叱使跪齊反叱曰吾膝如鐵豈爲賊屈賊怒扼之跪齊立
而詬乃倒曳槌碎其膝剛之論者謂大科三魁若泰不華沒齒
此李黼隕九江洎齊之死皆不負所學云

冊曰聖賢立教首重忠孝自竊虛聲遂至貽誦所學而志
乃失其操二李及秦節烈相肖巍巍大科三辰並耀

趙璉字伯器潁川人祖宏偉起家泰和尹著循聲仁宗朝官浙
東廉訪副使聞郡人許謙得宋儒道學之傳延致爲師於是浙
東人知向學卒諡貞憲璉登至治元年進士第歷官杭州路
管浙右病徭役民充坊一正者皆破家璉以屬縣功正爲
役里正用

皆陷兩淮騷動朝廷析河南地立淮南江北行省于揚州
璉參知政事分鎮真州璉方病卽輿疾行會張士誠起海濱
泰州興化高郵知府李齊往招之士誠僞請降且乞從征自
乃移璉鎮泰州璉趣士誠治戈船趨濠泗士誠疑憚不肯發
又
覘知璉無備遂復反夜四鼓縱火登城璉力疾捫佩刃上馬與
賊鬪市衢詰之曰汝輩罪在不赦今旣有爾誅戮且錫以名爵
朝廷何負汝乃復反邪賊以槩撞璉墜地璉瞋目大罵死之其
僕楊兒以身蔽主亦見殺弟琬字仲德仕爲台州路總管至正
二十七年方國瑛以舟挾琬至黃巖琬潛登白龍舉止民舍絕
粒七日或勸之食輒瞑目卻之而死
納速刺丁字士瞻其父馬合木從征襄陽以勞擢濟州達魯花
赤因家大名納速刺丁起身鄉進士維東宣慰司辟爲掾泰州

賊起納速刺丁建議築四城立外寨捷堤穿河募兵與賊抗行
省檄其提戰艦巡江駐師龍潭口賊不得渡屢有戰功留守蕪
湖江口泰州李二作亂移捍高郵得勝湖賊船乘風來攻擊敦
之李二失援遂降其黨張士誠復殺二為亂襲據高郵屯兵東
門納速刺丁以舟師會真滁諸軍討之距三朶鎮賊衆猝至
兵挫其鋒後賊鼓譟進更發火鏃射之死者蔽流而下賊繚船
於背盡銳來攻諸官軍皆遁納速刺丁以死自誓願謂其三子
童海魯丁西山驢曰汝輩可脫走三子不肯去同死之追贈

元帥府經歷

石普字元周徐州人至正五年進士授國史院編修官改經正

監經歷淮東西盜起樞密院董鑰薦普材于朝會丞相脫脫

亦州命從行徐平歷升樞密院都事從守淮安時張士誠據

鄭普記丞相面陳破賊之策曰：「高郵，負重湖之險地，官軍攻之，莫能前，願假步兵三萬，保取之。」高郵既平，則濠泗易攻。先驅為天下忠義倡，脫脫壯之，命灌山東義兵萬戶府事，召民義萬人以行。次范水，砦日未夕，普令軍中具食，夜漏三刻下，銜枚趨寶應，即登城，樹幟城上，賊大驚潰。乃水陸進兵，乘勝拔十餘砦，直抵高郵，縱火燒關門，賊懼將棄城走。總兵者遣蒙古軍千騎突出，普軍前欲收，先入功，賊以死扞城。蒙古軍懼怯，即馳回。普止之，不可遂，為賊所蹂踐，率墮水中。普軍亂，賊乘之，遂勒餘兵血戰良久，直入賊陣中，援兵忌普成功，按不進。從者僅三十人搏戰，至日西，被創墮馬，復步戰，數合，賊益至，指曰：「此必頭目，可生致之。」普叱曰：「裝帥石都事也，何云？」頭目左脇為賊槍所中，猶手握其槍，斫賊賊衆攢槍來刺，普與從者力盡俱死。